

Nimashinaikan tshe tshissitinutaikuian e ishi-utshimatshenanut ute Canada

Tshekuan ume mashinaikan?

Ume mashinaikan tshitshi uenimakun kassinu tshekuan ne ishi-kuekuetshimitishin nite tshe iatin miam e utshimatshenanut ute Canada mak eshat tshika minu-uitimakun miam mekuat e natshi mashinatautishunanut.

Tshekuan ne Utshimatshenanut?

Shash uitakanu tshe utshimatshenanut nitetshe Canada issishuetau, tshitatshikauau ne e naushunat ka ui utshimaut mak tshe iatusseshtak nite Utauau-Tshishe-Utshimautshuapit. Ne utshimau ka naushinat, uin-an tshika pimushtau tshitaimunnu mak tshika ueuetishuatam tshetshi tutak tshishe-utshimau-mashinaikanu nutim auen tshe takaukut mak tshe nashatak nite.

Ute Canada, nishtu-mitashimitunnu ashu nishtunnu ashu nishuau tatina (circonscriptions) pitau-assia. Mekuak e utshimatshenanut, ne utshimau tshe nashunakan peiku anu tshika atusseshtam pitau-assinu nite Utauau-Tshishe-Utshimautshuapit.

Ne auen ka ui utshimaut, tshika tshi teu nite e mamuitunanut miam nite ka-mikushinit, kie mak ka-uasheshkuanishit, kie mak ka-ututshimikushinit; kie eshat tshika tshi peikukapaushu eka tat nite mamuitunit. Nitshi atshitashunanuti ne mamuitun ka mishta-kanuenimat ka-mashinaitaukut auenua, ekuan-an tshe kaniut tshetshi tat nete Utauau-Tshishe-Utshimautshuapit kie tshika takuanu utetapuakan mak peik^u Tshishe-Utshemau tshika ishiuinakanu eku tshe kutakat Utshimassa tshika ishiuinakanuat uinuu mak peik tshika tipenitamuak pitau-assinu.

Nitshi-a mashinatautishin ?

Eshe, tshika tshi mashinatautishu auen:

- ka-kakusseshiu-pimipanut
- ka-peikunnuepipuneshit ashu nishuash mak uashtet
- ka-uapatiniuet nite uetshit etashtet tshitsh mak tshitshikashun.

Takuan-a nitishinikashun tshetshi mashinatautishian ?

Nitau-tshissenita pitima tshetshi takuanukue tshitishinikashun.

tshitatapi-a, pitshenak-a tshikakusseshiu-pimupan, enusht-a tshe mashinatautishin kie mak apu tusht mashinataikanu tshitishinikashun usham tshitshishkutamakunatshe.

Nite itute: elections.ca/inscription shaputuet, tshetshi nitau-tshissenitimin tshetshi ma takuanukue tshitishinikashun. Ueuetan ume, mak anu tshika ueuetshin miam natshi-mashinatautishinanuti.



Tshi uitshikushin-a ? Matuetunan ute **1-800-463-6868**.

(peik,nishuash, ka-uauieshtet, ka-uauieshtet, neu, kutuasht, nisht^u, kutuasht, nishuaush, kutuasht, nishuaush).

Nakatuenum tshikanum, tshika itaishimakun

Auen ka mashinataikanit utishinikashun, tshika itishimuakanu **ukanum(a)** nitshi uitakaniti e mashinatautishunanut. Tshika mashinateu nite kanuit, tanite, tan ishpish mak tan tshe ishimashinatauishin.

Nitau-tshissenim tshikanum tshetshi ma mashinataikanikue tshitishinikashun mak nite uetshi. Minuashteti ne kassinu tshekuan etashtet nite tshikanumit shash-an tshika tshi mashinatautishin.

Eku eka minuashteti ne tshekuan e mashinatet nite tshikanumit, kie mak apu itishaimakuin, nite itute **elections.ca** kie mak matuetunan tshetshi nutim mashinataimat ne nutim tshekuan eka e mashinatet nite tshikanumit.

Ume mashinatet eshat nite tshikanumit:

- tan nite tshe natshi-mashinatautishin
- tan tshe ishi-natuenimat ka-ashu-uitamatshet
- mak kutak tan e ishi-uitshikushin

Tan tshe ishi-mashinatautishian?

Mitshetuait auen ishi-mashinatautishu:

- miam ne tshishik^u ka uitakanit
- tshika tshi mashinatautishin tshishat, tshika meshinataikanu ne tshishik^u
- nite mashinaikanitshuapit Élections Canada ka ishinikatet
- nite eshat mashinaikanitshuapit

Mashinatautishu miam ne tshishik^u ka uitakanit

Nite etain, peikunuetipaikan ashu nishu tshika nutenikanu ne mashinatautishuapit.

Ui tshissenitimin tan nite mak tan ishpish tshe mashinatautishin tshi peikuu uitakaniti tshe Utshimatshenanut:

- tshe tshitapamat tshikanum ka itishaimakuin;
- nite itute: **elections.ca** mak tatshipa ne atshitashun mak ne ka-peikuteshit etashtet
- ne mashinaikanitshuap nite epin mak ne ka itishaimakuin tshikanum matuetunan ute: **1-800-463-6868** (peik,nishuash, ka-uauieshtet, ka-uauieshtet, neu, kutuasht, nisht^u, kutuasht, nishuaush, kutuasht, nishuaush)

Mashinatautishu tshishat ne tshishik^u tshe mashinataikan

Neu tshishikua tshiminikun tshetshi tshishat mashinatautishin eka tshi tani neme tshishik^u ka mashinatautishanut.

Nite tshishat tshe natshi-mashinatautishin, tshika shenikanu ne mitshuap, apitshishikat nuash nishuash tatipaikan.

Ui tshissenitimin tan nite mak tan ishpish tshe mashinatautishin tshi peikuau uitakaniti tshe Utshimatshenanut:

- tshe tshitapamat tshikanum ka itishaimakuin
- nite itute: **elections.ca** mak tatshipa ne atshitashun mak ne ka-peikuteshit etashtet
- ne mashinaikanitshuap nite epin mak ne ka itishaimakuin tshikanum matuetunan ute: **1-800-463-6868** (peik,nishuash, ka-uauieshtet, ka-uauieshtet, neu, kutuasht, nisht^u, kutuasht, nishuaush, kutuasht, nishuaush)

Mashinatautishu nite mashinaikanitshuapit Élections Canada ka ishnikatet

Tshi peikuau uitakaniti tshe Utshimatshenanut, itute nite peiak^u mashinaikanitshuap Élections Canada nite u Canada, eshku ekat nishuash tatipaikan uemapanit e nishu-tshishikat neme tshishik^u e mashinatautishinanut.

Ui tshissenitimin tan nite e mashinatet ne mashinaikanitshuapit Élections Canada ka ishnikatet, tatshipita ne **elections.ca** kie mak matueta ute **1-800-463-6868** (peik,nishuash, ka-uauieshtet, ka-uauieshtet, neu, kutuasht, nisht^u, kutuasht, nishuaush, kutuasht, nishuaush).

Mashinatautishu nitetshe mashinaikanitshuapit

Tshika tshi iat mashinatautishin nite mashinaikanitshuapit eka tain nite epin kie mak tshititeniten anu tshika uipat.

Ume tshe itin mak tshe tutimin:

- tshishakashtinitan mashinaikanian tshetshi itishimakuin miuash nite mashinaikanitshuapit **elections canada** ka ishnikatet, kie mak mishta-tshishe-utshimau-kupanieshiutshuapit ute Canada.
- **Nakatuenita ne tshishik^u tshe ui itishaiman** ne tshimashinaikan ka-uinishin mak tsheitishauau peik^u kanui e uinikuin mak e akunukuin, eshku ekat utshitshipan neme tshishik^u tshe mashinatautishunanut.
- Nitshi uapatikau kupanieshat tshimashinaikanu, tshika itishaimakuat miuatinu, kassinu tshekuan takuan tshe apishtan tshetshi mashinatautishin.
- **Uenishk^u !** tshika ui natueniten ne miuash tshetshi uipat itishimakuin mak tshetshi kaut itishaimin nete Élections Canada eshku ekat utshitshipan neme tshishik^u tshe mashinatautishunanut.

Tshek^u kanuiat tshe takunak tshetshi nishtuapamukuian ?

Ui mashinatautishin, uemut tshika ui uapatinitshen kanui tshetshi tshissenimikuin mak tan nite uetshin:

Tshe uapanitiniuen kanui e mashinataikan tan nite uetshin, tshitishinikashun, mak tshitakunakan e nukushit ne kapatshitinat Tshishe-Utshimau. Miam ne utapan-kanui.

kie mak

Tshe uapatiniuen nish^u kanuiat e mashinatet tshitishinikashun. Mak peik^u tshika ui mashinateu tan nite uetshin. Miam ne akushiu-kanui mak uashtenitiman-mashinaikan.

kie mak

Tshinashkumun. Tshe uapatiniuen nish^u kanuiat e mashinatet tshitishinikashun mak tshe natuenitamuat auen ka nishtuapamishk tshetshi mashinataik tan eshtatenit mitshuapinu epuat mak tan e ishinikatenit meshkananu. Ne auen ka-nishtuapamishk uemut tshika ui uapatiniueu ukanuma kie uin mak mashinatauanu nite uetshipanuat nite assit. Peikuau muk^u tshiam nitshi mashinatautishu ne ka-nishtuapamishk.

Ninishtuapamanan kanuiat ka-mashinatenit auen utishishinikashun nitshenat Tshishe-Utshimauat ka-patshinat mak nitshenat (kanuiat)kaiakunatau nite ut katakunakan kaiaminanut.

Tshekuan tshe ishpan natshi mashinatautishian?

Shash mashinataikanu tshitishinikashun, ume tshipa shinuapaten neme takushin nete ka-mashinatautishunanut.

1. Ushkat, tshipitshen nite e mashinatautishunanut, ka-atussesht tshika uitamak mitshishuakan tshe natshikapushtamuat.
2. Minuat tshe uapatiniuen tshikanum e mashinatet tshitishikashun mak etashtet mitshuap epin mak meshkanau.
3. Ka-atussesht tshika tatshikaim tshi-mashinaikanianu, minuat tshe napueienitinak mashten tshe minikuin.
4. Tshe ituten nete akaut, tshe mashinatautishin tshe napueietiniman nete mashten tshetshi tshissenimikuin ne auen katatshikauat ne ua utshimaut.
5. Kue minat tshi mashinaikanianu ne ka-atussesht tshetshi tshimipitak.
6. kaut tshi minikun tshetshi pitaiman miuatit ne tshimashinaikanian.

Katshishkutamuakan nin. Tshakuan tshe eshkutanian?

Uemut tshitshikashun tshika ui takuan, ui mashinataushin. Tshi nitau-tshisseniten, tshi ashutan kie mak tshishakashtinitan ne tshimashinaikanian netetshe **elections.ca/inscription**.

Nishuait nite tshitshitan issishuetau, peik^u nite tsheshkutamakuin, mak ne kutak etain eka tsheshkutamakuin. Peik^u tshika ui apashtan tshetshi uitamin etashtet mitshuap epin mak ne meshkanau ui mashinatautishin. Tshi mashinatau peik^u ne ka ui utshimau nite epin.

Nitshi mashinataikaniti tshitshinikashun, tshika itishaimakun kanui nitshi petakuaki tshe mashinatautishunanut. Tshikamashinateu nite tshikanumit tan nite mak tan ishpish tshe mashinatautishin.

Tshissishtamuk! Nite aiat taieku nete epin, kie mak, tshitenitenaau ka-minuaua, tshika tshi tshitshain ne tshimashinaikan nitshi mashinatautishin nite ut mashinaikanitshuapi kie mak nite itute mashinaikanitshuapit Elections Canada ka-ishinikatet nite etain.

Tshakuan tshe tutaman tshetshi tshishtain e mashinatautishin ?

Tshika minikaun atusseuakana kie mak tshika itutakaun tshetshi nasht uauetshin e mashinatautishin.

Umeni atusseuakana mak tshe ishi uauitshikuin:

- ussikukuna tshetshi minuapatimin
- eka ka-uapatak umashinaikanian tshika apishtakanu
- tshika mamakashtakanu utshinikashun ne ua utshimau
- eka ka-uapatak tshika pishkua-mashinatauakanuat utshimauat
- tshika teut ka-matau-ashu-uitamatshet(uipat tshika uitamunan ui apatshiati)
- iat tshika uitshikaun ui tatshikamakushin
- tshika tshika-uashtenikanu nite akaut tshe tain
- apu tshi nakatamin tshitsh, muk tshi ui mashinatautishin, matuetunan

Nite tshe mashinatautishunanut eshinakuak

Nitshi mashinataikaniti tshitshinikashun, tshika itishaimakun kanui nitshi petakuaki tshe utshimatshenanut. Tshika mashinateu nite tshikanumit tan nite mak tan ishpish tshe mashinatautishin. Tshika tshi iat mishken tshitshinikashun, ne tatshipa(code postal) ne atshitashuna mak ne ka-peikuteshit etashtet ne mashinaikanitshuap nite epin kie mak matueta **ute 1-800-463-6868**

(peik,nishuash, ka-uauieshtet, ka-uauieshtet, neu, kutuasht, nisht^u, kutuasht, nishuash, kutuasht, nishuash).

Miam natshi-mashinatautishin, tshishtukan tshikanutepanu nite tshe itutein. Tshika teu nite auen tshe uauitshik. Eka tshika shakuenimun tshetshi natuenitamuat tshi aitutak.

Ishkanitshishikua nakatuenitakanu nite meshinatautishinanut. Ui kakuetshimun nite e mashinatautishunanut, uitamunan mak nika nashenan.

Ui katshitinimin nutim nite e ishinakuak nite mashinatautishinanut nite itute: elections.ca.

Tan tshe tutaman tshetshi itishaiman ne itenitaman nite Élections Canada?

Tshetshi etitau minu-uauitshiat e aitutatat, uitamunan tan etenitamek ne e ishi-uauitshikuiek.

Tshika tshi:

- shakashtinitan mashinaikanian ne nutim tshekuan etenitamin nitetshe **elections.ca**
- matuetunan ute **1-800-463-6868**
(peik^u, nishuash, ka-uauieshtet, ka-uauieshtet, neu, kutuasht, nisht^u, kutuasht, nishuaush, kutuasht, nishuaush)
- matuetunan nite ut ATS ka-itashtet ute **1-800-361-8935**
(peik^u, nishuaush, ka-uauieshtet, ka-uauieshtet, nisht^u, kutuasht, peikuashteu, nisht^u, patetat)

Ui uitimin nite ka tain e mashinatautishinanut, tshika tshi iat:

- shakashtinitan mashinaikanian ne nutim tshekuan etenitamin nitetshe: **elections.ca** kie mak nite kamashinatautishin mitshuapit
- uitamuuau nitshi natshi mashinatautishin ne kupaniesh

Tan tshe ituteian ui katshitiniman kutak tshekuan ?

- nite itute: **elections.ca**
- matueta ute; **1-800-463-6868**
(peik^u, nishuash, ka-uauieshtet, ka-uauieshtet, neu, kutuasht, nisht^u, kutuasht, nishuaush, kutuasht, nishuaush)
- matuetunan nite ut ATS ka-itashtet ute **1-800-361-8935**
(peik^u, nishuaush, ka-uauieshtet, ka-uauieshtet, nisht^u, kutuasht, peikuashteu, nisht^u, patetat)

Ne Elections Canada patshinam^u kutaka tshekuana ne mashinatautishunanut:

- mashinaikana tshetshi uitamakan mak mishituepatakan ne ishi mashinatautishunanut
- miuatiss tshe uitamakun tshe ishi-mashinatautishin
- mashinaikan tshetshi tshishkutimashin tshe ishi-mashinatautishin

Kassinu ne tshekuan tshika itishaimatishin nitetshe: **elections.ca** kie mak matuetunan ui natuenitimin.

Tshe uitshikuiek^u tshetshi tshissishtamek^u

- Uemut tshika takuan tshishinikashun nite: **elections.ca**
- Nakatuenim tshika itishaimakun tshikanum
- Ekua pishtinitau tshikanumat ne tshitishinikashun e mashinatet
- Uemut tshika ui tshissenimauat nitshenat ua utshimauit nite etain, tatshipita nenai atshitashuna mak ka-papeikuteshit nite **elections.ca**
- tshin tshika tshisseniten tshe ishi-mashinatautishin
- tipiatikuashta ne tshishik^u tshe mashinatautishinanut nite tshishtekaikanit
- tshe ui tshisseniten tshimeshkanam natshi-mashinatautishin